

ETXEBIZITZA

INKESTEN EMAITZAK

Urriari hasi eta urtarrila hasiera arte, Etxebizitza Batzordeko kideak etxez-etxe inkestak banatu eta biltzen ibili dira. Inkesta honek Goizuetako etxebizitzaren egoera (beharra eta eskaintza), lokalen beharra eta eskaintza eta Goizueta bizileku bezala hobetzeko galderak biltzen ditu besteak beste. Bada dagoeneko, eskuartean ditugu inkestetan jaso ditugun emaitzak.

1 DATU OROKORRAK

Zenbat etxetan utzi da inkesta	309	% 90,12
Zenbatek erantzun dute	266	% 86

Etxe bakoitzeko	Batazbeste
Zenbat pertsona bizi	2,15
Zenbat pertsona erroldatuak	2,21
16-30 urteko gazteak	0,40

Etxearen jabetza	
Etxea berea du	238
Etxea alokatua du	16



Kontutan hartu emaitzak inkesta erantzun dutenenak direla, eta beraz, erantzun ez dutenen datuak ez daudela. Gainera, inkesta guztietan galdera guztiak ez dituzte erantzun. Hortaz, galdera bakoitzeko erantzunen emaitzak izango lirateke hauek.

2 ETXEEN ESKARIA HERRIAN

Goizuetan alokatu/erosiko lukete	47
BOE	10
BOET	2
Alokairu soziala	11
Konpartitua	2
Librea	15

Noizko	
5 urte baino lehen	19
5 urte baino beranduago	6

Etxeen eskaria herritik kanpo	
Etxea erosi/alokatuko lukete	44
Bizitzeko	24

Kanpora bizitzera joateko arrazoen artean, ondorengoak nagusitu dira: lana, errepidea, herrian etxea eskuratzeko aukerarik ez egotea edota bikotea.

3 ETXEEN ESKAINTZA HERRIAN

Goizuetan etxea eskaintzeko	28
Egun alokairuan	10
Alokatzeko prest	10
Saltzeko prest	14
Udalaren datu basean sartzeko prest	18

4 LOKAL BEHARRA

Goizuetan lokala beharko lukete	13
Alokatu	7
Erosi	3

LOKAL ESKAINTZA	
Lokala alokatu/salduko lukete	8
Udalaren datu basean sartzeko prest	5

ETXEBIZITZA

5

GOIZUETAN BIZI DIRENAK

Herrian bizi dira	233
Gustora bizi dira	211
Etorkizunean Goizuetan biziko lirateke	186

Goizuetan bizitzeko arrazoien artean, ondorengoak nagusitzen dira: bertakoa izatea, lasaitasuna, nahia eta gustoko herria izatea, lana, etxebizitza hemen izatea eta gustora bizitzea.

KANPOAN BIZI DIRENAK

Kanpoan bizi dira	38
Lanarengatik	30
Ikasketengatik	3
Errepidearengatik	4
Etorkizunean Goizuetan biziko lirateke	15

“Nola hobetu Goizueta bizileku bezala?” galderak zer esan handia eman du eta inkesta erantzun dutenek, beraien ekarpenak egiteko aprobetxatu dute aukera. Hauek dira alor bakoitzaren inguruan egindako ekarpen aipagarrienak.

NOLA HOBETU GOIZUETA BIZILEKU BEZALA

Lana	66
Errepidea	32
Etxebizitza	40
Zerbitzuak	52

Lanari egindako ekarpenak

Gazteentzat erraztasunak
Enpresa/lantegi bat
Komertzioarekin
Kooperatiba bat sortu
Negozio txikiak indartu
Lanbiderekin hitzarmena (osasun alorrean bezala)
1. sektorea
Lokalak sortu eta egokitu
Zaharren zentroan

Etxebizitzari egindako ekarpenak

Prezioak jaitsi
Gaztetatik etxea esku-ratzeko aukera/laguntza eman
Etxe zaharrak eta hutsak moldatu
BOE berriak egin
Udal eraikinak moldatu
2.etxea hutsa dutenei zerga igo
BOE etxeei jarraipena
Auzolanean

Zerbitzuei egindako ekarpenak

Komertzioak hobetu eta gehitu (batez ere arraindegia)
Zaharren egoitza
Dauden komertzioen eskaintza hobetu (akomodatu gabe)
Bertakoa eta bertan kontsumitzearen aldeko kanpaina
Bide gorria hobetu eta luzatu

Errepideari egindako ekarpenak

Garraio publiko gehiago
Kobertura
Kurbak kendu

Beste ekarpenak

Kalea piztu
Herritarrak inplikatu

ETA ORAIN ZER?

La lau hilabeteren ondoren, Etxebizitza Batzordeak bukatu du bere lana. Jasotako emaitzak udalari igorri dizkio eta hemendik aurrera, udalaren esku geratuko dira inkestak, hauen emaitzak eta batzordeak egindako lanari jarraipena ematea. Egindako lanarengatik, eskerrik beroenak batzordean partu hartu duten herritarrei.

Eta orain, ze bide jarraituko du udalak inkestetan ateratako emaitzei segida emateko?

Alde batetik:

Nafarroako Gobernua eta Nasuvinsarekin bildu nahi du.

Goizuetaren biztanle beherakada aipatu, egoera, etxebizitza inkesten emaitzak...

- Zer egin daiteke? Zertan lagundu dezake?

Ondorengo puntuei buruz informatu eta herrian eragin:

- Etxe zaharrak berritzeko dirulaguntzak.

- Etxea alokairuan jartzen dutenei ziurtasunak eman (egoera onean itzuliko diela, ordainketak garaiz egitea...)

- Gazteei etxea alokatzeko dirulaguntzak.

- BOE jarraipena (baldintzak, betebeharrak, eskubideak...).

Beste aldetik:

Alokatzeko/saltzeko prest dauden etxe eta lokal jabeekin bilera egin. Etxeei eta lokalei buruzko informazioa bildu eta datuak publiko egin.

AURRERA BEGIRA, UDALAREN JARDUERA ETA KONPROMISO ZEHAZTAK:

- Goizuetan lana sortzeko laguntza eskaini: jarduerak, hitzaldiak eta formakuntzak antolatu autonomo, kooperatiban edota beste mota bateko lan gisa aritzen direnekin (esperientziak konpartitu, aholkuak eman, laguntzak lortu...).

- "Nola hobetu Goizueta?" galderan atera diren ideiak behar denarengana eta dagoen alorrera bideratu eta lantzeko aukerak aztertu.

ETXEBIZITZA BATZORDEAK ONDORIO HAUEK ATERA DITU EGINDAKO LANETIK:

- Lanak asko eragiten du gure bizilekuan.

- BOE promozio batetik bestera hainbeste urte igarota, belaunaldiak galtzen dira.

- Etorkizunean herrian bizitzea gustatuko litzaiekeela askok erantzun badute ere, zaila ikusten dute.

- Batzuk nahiko ezkor daude (Goizuetak ez du etorkizunik...) eta seme-alabei hori transmititzen die.

- Herrian lanik ez dago baina gauza asko falta dira. Zergatik ez aukera aprobeztatu eta lana sortu? Mentalitate aldaketa eman da gizartean. Garai batean autonomo gehiago zegoen herrian eta egun, ez dugu arriskatu nahi, eroso bizi gara, besteak egiteko zain gaude...

- BOE-ko etxe batzuk hutsak dauden bitartean, beharra duten asko etxerik gabe daude eta kanpora doaz bizitzera hemen eskaintzarik ez dutelako.